

四庫全書

集部

欽定四庫全書

集部

新安文獻志卷

五十八
六十一

詳校官中書臣孫衡

侍讀臣孫球覆勘

總校官庶吉士臣倉聖脉

校對官中書臣吳甸華

謄錄監生臣黃佑

欽定四庫全書

新安文獻志卷五十八

明程敏政撰

詩雜體

龍尾硯同毛隨彥時聯句

程俱

歛水清以駛歛山文且堅

程

誰將玉斧琢製此月樣圓

想當結繩後要使鳥跡傳雕鏤見骨格豈與瓦礫全

毛

坡陀百氏圃泓澄九經淵墨海不復見柯巖那可肩星

稀涵緯象眉綠生春妍

程

規模異鎔鐵濡寫殊懷鉛正

當秋兔頽發此霜松煙毛一從毛楮遊幾作蟲魚箋徵

辭想妃子搢首懷張顛寧同李生瘞聊續胡公鐫程常

疑老蚌殼浸潤生膏涎毛堅踰鷺池鑄質謝銅臺埏紛

紛况多偽渴雀同梳鞭程琳坳隱多水十年寄所宣池

光斂墨色雲氣開毫聯翔鸞及垂露逸勢徒飛騫毛誰

云過珪璧或用磨戈鋌吾今欲焚棄負耒歸園田程

泛舟鑑湖同趙來叔趙叔問聯句

春風卷三江雨電暗秦望今晨風日佳遠目聊一放致

道人情暫愉悅天宇亦清曠逝將一葉舟遠破萬里浪

叔問

澄陂撥寒醅疊嶽展新障

致道

飄搖過餘芳客與

矚孤漾

叔問

停雲冒山巔新綠浮天上枯腸吐輕黃欹

峯抹晴漲遠水沒輕鷗羈禽變圓吭鑑湖清可啜叢菜

柔堪餉

來叔

時當被袂及路指蘭亭嚮豈無謫仙孟聊

舉剡溪榜

叔問

吟箋灑餘研茶竈發新煬徜徉寫幽憂

蕭爽絕纖埃年華自繁穠世故足悽愴

致道

弔古意雖

遐感時心自亮

來叔

雄濤折東南舊牒分霸王梅梁寄

遺靈禹跡疑可訪星分九土毛帶挽百川
泮胝識神姦玉帛來崛強規模至今存形勢亦云壯

致道

膽嘗信

焦思金範徒審象當年浣紗人絳縷起窮巷姑胥失層
臺榛棘遶青嶂彼姝者誰子婉孌固難忘撫事即元龜
終古可懲創

叔問

永懷文靖公造厦得良匠平生滄海

志顧豈矜岫幌笑談遣諸兒百萬皆膽喪晚節終自完
流言亦何妄安知彼天遊中有無盡藏

致道

觸目發長

謠懷人獨惆悵

來叔

入木想八分登山知幾兩風流四

明客投老志蓬閭玄熊殊夢間鵠鶴比狂尚殷勤覽陳

跡忼慨有餘快

致道

雲雷正經綸兵甲相磨蕩虎貌驅

七萃鶩鸛張兩廣帥維丞相度餉倚晉公滉足食佇流

錢宣恩同挾纊顧慙已么麼安處官冗長短拙更何裨

恩私誠謬降猶能樂閒適深恐遭譴讓

叔問

故應方虎

間不乏廉藺將秘計走關氏奇功收跳盪無煩秦庭哭

坐使楚軍張何當濯龍津歸擁雲臺仗官儀見炎靈王

氣蓋芒碭專車戮防風掩骸收魯項

致道

祿山終自焚

僕固胡能誑

來叔

雍容兩宮還娛樂天下養并會肅鳧

趨花深度雞唱

叔問

馬牛縱山林弓矢戢橐韞

致道錢

罇待豐盈壺簞更勞貺周室已再安漢業欣重

來叔

返予綿上耕酌我兵厨釀致道昂昂妙高叟辭藻舍人

樣方為東山起朝論深倚仗金昆固神秀獨立起輩行

深嚴職右府折中歸至當伊予最畸孤艱阨隨所傍幾

驚虎尾履分委魚腹葬偶然還一處已幸神所相矧復

陪清游快飲吸長江

叔問

深慚抗塵容豈敢窺雅量文

衡久已持宗盟從此亢駉驥政騰驤駕駘徒頡頏雄筆
掃千軍榮光高萬丈清朝尊陛廉羣枉室戶向偉節素
推高嘉言行更謹定應謝逋客終冀寬俗狀常貧固吾
道共約稅歸鞅

來叔

中興百六掾麟趾豈神況便飽經

史婉畫一正所仰勤劬照藜青豪俊嗤帳絳如何艱危
中骭驥容跌宕軒裳欲吹蘼文字堪覆醬數奇豈無雙
妄發坐小憊逍遙漆園莊澹泊竹林向重來縛塵纓夜
鶴空蕙帳會蒙子雲嘲未免王戎邊

致道

翻思京國遊

幾作榆枋捨無聊每過君攄豁資直諒朝野時歡娛金
石日擊撞月遷惟佞幸朝奏坐誣謗寢薪積憂思把酒
亦愴恨斯須失和平占候奏天棊狂瀾翻四溟覆簞宴
得抗顛冥今幾年失喜問無恙叔問豈期愕鯨波復此

言輕颺

來叔

談追正始音句續郢中唱

致道

融金無留

礦探珠驚老蚌

來叔

更須月團團迨此春盎盎還攜玉

色醪共理黃篋舫

致道

清文韻韶濩雅好羅觚鬯振衣

躡崇山一濯惠風暢

來叔

秀山霜晴晚眺與趙賓陽黃惟月聯句

秀山在嚴陵郡

城之內子城之東舊有亭曰秀亭今毀范希文所謂烏龍如岱馬目如崧嚴子陵所釣之瀨沈休文所賦淺深見底之江顧未嘗與亭俱毀也田官寓買屋其下七年矣丁丑之冬趙與東賓栢梁約聯句僅酬倡青字四十韻而止近又賦月二十七日賓陽適至黃應蟾惟月授小學于塾三人各攜稚子挈繩牀命酒至暮雪後霜晴送目無極東望則錢塘會稽通扶桑賜谷之波西望則歛鄱萬山出踰隴蜀抵日落之處南則衢婺接甌閩北則江淮而中原渺渺無際此山在天地之內不能一拳而吾儕在此山之上亦太虛之一粟爾然神遊者意遠趣適者興深以此而寄於言非可腐之草木比也乃以回兩日

前屋宇古詩為韻回首倡焉秉燭繼之各聳肩
索筆書數十聯禁鼓趣歸明日再集又明日復
集而一百八十韻成用昌黎郾城夜宿體而用
韻多於城南竹金泉玉之聯者三十庸豈非一
時之逸槩乎賓賜惟月暫來倏往故回之聯頗
加多長兒存心亦獻數十句惟村酒僅數行野
蔬不盈掬一聯可取而以其儉也不以入篇然
則秀亭可毀也而山川之不可毀者常存自古
有形者無不可毀而文之不可毀者常存前乎
是詠詩于此山此亭者衆矣而今莫之存也亭
不存山存而吾儕於是乎有是詩要是詩之久
其存其毀非回之所得知也將以紀一時意興
之所偶至則不容不姑存之也時至
元十八年嘉平朔旦方回萬里謹序

方回

一峯何崢嶸萬象悉匍匐心包元氣并影立太空獨

回

遙瞻極乾端俯瞰際坤軸飄飄凌雲身杳杳送鴻目

與

東揮袖裨八風開襟吞百瀆醒脾嚙醇清滌髓盪痼俗

應蟾

斗摘紫垣杓日攀黃道轂川令夷若奔林訶魍魎

伏回螺蚌視三神盃盞閱四隩參旗摩右肩崑苑踏左

足東營營蟻磨旋戢戢蜂房簇羶俎饜前牖詩瓢慳半

菽蟾厯測尊盧年桴窮沃焦谷疇非浮點漚吾亦寄粒

粟回氣形孰融結高深誰濬壚蝸皇不能補共工多事

觸

東

飛思騰虛遨殫精馳迫矚浩浩蔑垠涯渾渾曷邊

幅

蟾

百刻條沙潮九行通肱胸達觀等鵬鷁殊趨殺燕

蝠

回

仙馭鞭虬螭神駕軌驪騄寰中無遁照象外有玄

燭

東

推尋製字蒼究考畫卦必萬變既日滋百靈遂宵

哭

蟾

某氏馬錫三何人鼃釣六底所真蓬瀛是間自凜

濮

回

佳辰每難值奇賞詎嫌數達士多放曠拘儒例踈

踣

東

味同僑札交臭異智輔族稽首禮初梅掀髯叫餘

菊

蟾

節届小大寒歲得中下熟野禮講蜡迎俚朋閱讎

逐

回

皺膚剥枯蘚瘦髮立凍木青鍼抽麥莖絳粒茁櫻

萸

東

烏龍特差我白鴈幾灣狀霞蘸抹微綃煙市皺輕

穀

蟾

畫嶂屏橫縱字溪篆直曲蘭非灌能馨栢豈撼可

禿

回

長岡脩蛇馳短阜矮鼈縮一塔聳錐穎千畦界棋

局

東

冷祠逃鼯鼯荒塚嚇鷗鵬汲窟仆桔槔獲場眠碌

碁

蟾

橡實翻籜瘦筍萌認鞭斨莽啼潛鈎輶籬嚼偃殼

觥

回

樵肩瘡長鏡獵臂袒偏袈相勞聲阿邪力作響蓬

撲

蟾

聞磬認禪窻指旛窺佛屋邃森踰二林美秀捋三

竺

回

籠影夜龕燈板聲曉堂粥匪經陸老學孰識陳尊

宿

蟾

兵比休虎屯盜俱就鯨戮耨縛衍新畬燧亭隳舊

築

回

連營釋鞞琫四野競畚楬別墅喧榼壺園扉靜敲

朴

東

今各有緼袍昔俱無旨蓄駸駸熙運開沓沓壯觀

復

回

閭閻一燼空棟宇萬礎續貨厘富鮑鱗米市積種

桂

東

登臨恣夷猶生息賴亭毒掃陰開晚晴破沍作春

燠

回

硯疇戲龜紋涸澮開瓦卜昏聲沸羣鷗暮色隱孤

鶩

東

店遙旅叱驢隴隔穉喚犢鳩謠音晰嘲僂荷步

于回浦淑出漁艇碕磧泊商舳僧包側肩挑奚囊俯腰

束東護舍荒吠狺投林倦翔速驛蹄雷鏗鉤野燎星熠

煜蟾警棚報萼萼栖埒呼粥粥相與忘是非足堪了昏

旭回矧茲瑞六靈預云宜百穀狐兔各深藏蝻蛄靡遺

育回潛魚未撥刺駭獸或躑躅倒影已巔崖餘凌尚丘

麓東宿孽芽嫩黃流澌醞嬌綠聯拳一春鋤格磔雙屬

玉蟾稻苗攬奇辛孽蕾嗅幽馥蟄戶咸伺霆燒痕漸矜

曝回審觀寒向闌追念暑嘗酷涼既免炮燂溫又救輟

疥田大化有乘除勝殘無斷屬是邦信巍巍厥聞久昱

昱東淮海分揚州斗牛躔北陸秦漢會稽吳隋唐新定

睦田戶歌楚人騷家佩桐君錄入籠盡參芝盈室肯資

菜東輝鳳遠媒翳祥麟哂童牯棟材茂椅桐躍冶乳鏐

鎔蟾賢守宋廣平興君劉文叔徵隱屈黠旒哀惇極膏

沐田緬懷解劔耕遐想負薪鬻咳唾變興亡咄嗟異榮

辱東堯夫被儒衣耕叟闢家塾道味調漆膠誼聲協啟

祝蟾嚴范盛烝嘗軒萊恪尸祝勃興畏後生朋來樂私

淑回駢肩長裾曳比屋短檠讀高科接踵武雅德禁被

服東委巷致聘旌徒步肱公餽車引太僕騶馬給上林

藉回豈惟供爪牙固將倚心腹文華凌屈宋武畧邁頗

牧東素絲却腐閭丙吉雪冤獄差毫別同和立界辨剛

慾蟾達汝婉稷臯退吾儕綺角中焉歛韜略外也減表

襖回村詒訂芟箕俚授折都郁四經審鈎弦三秀攻珞

珞回處士傲貂紳俠徒競雞跽里閭劇華腴官府務涵

霖蟾喝雉投彩瓊落鵬捷鳴鵀高貲軼陶朱雄辨騁張

祿東 美釀壓郡筒大烹椎獠爆舞殘金鳳歌緩翠蛾

感回 千樓向笛吹萬室陶巾漉餘尊霑皂隸殘炙飮童

僕東 遐征罕齋糧酖寢或枕麴間嘗極備無一是耻噉

蹴回 金彩剪勝幡沙囊篆符錄秋棗溲牂膏冬稻熬狼

腦蟾 城市雖馮扶郊野尚軒轅四時務鋤耰千村鳴杼

柚東 顆粒本牛衣絲縷出蠶繭商何羨閩藥市勿詫

蜀回 盛年念疇昔微夢恍忽倏已知壯心違未覺老顏

惡東 久黏簿書繭幸脫簪冕梏得與麋鹿羣敢兼熊魚

欲_回席珍非待聘有玉謾韞匱冥心同子綦徐步效顏

歎_東一麾斷鷗班百舉閱餽告仙忝真應宗詩愧玄英

屬_回親故歟妖災怨讐騰謗譴字幼窘空空省躬危髦

髦_回卑飛類鷦鷯逸步謝驂驪庶幾便憤懣焉能事韞

綦_東雙洪洶奔濤孤派澁凝瀑窻徒聚雪螢袍未釋銀

鵠_蟾之子虞一夔伊人鄭七穆三足分鼎鐙兩鋒交箭

鏃_回埤埴冀良陶糲䟽就精鑿誠難角妙染繆許啐餘

昔_蟾狂吟動千字豪飲輒百斛墨淡立兒研盃遲走童

趣

東

自倚大戶寬豈畏險韻復膽癢生芒稜唾圓洗塵

醖

回

登山石同憇臨流泉共酌被褐蔽裘綺羹藜勝梁

肉

東

磚鑪煎菜茶瓦豆釘茈菰園無迂叟花亭有醉翁

藪

回

樓踈摘塵柄莎軟敷狨褥藤陰皆帷幃松韻即筇

筇

蟾

逸興春空雲耐交歲寒竹山腴嘏糟貍海異吮醬

齏

東

黎斑屑鷓鴣端眼濯鸛鵒書窮蕭衍評奕妙王粲

覆

回

生平嗜好迂我輩友誼篤矢詩一廛酬言志雙啓

沃

回

析理精洛伊談史究溫凍望之真堂堂毛遂豈碌

碌

東

虞初九百篇方朔三千牘酸醎糒鹽梅宗栴裁棧

樸

回

論文如有競見義每相勗燕樂思鹿鳴切磋慕淇

澳

東

公直性所鍾辛勤起常夙枿佞請尚方抨妖官若

簇

回

扣閤幡屢舉寓直被曾襍剛腸挫未衰勁氣老彌

肅

東

百粵轉沅湘九河交濟灤魂驚舞波帆力弱掀淖

輻

回

道異十獲禽理難百中鵠睎顏寧如愚尚老且緣

督

回

浮榮等槐蟻往事付蕉鹿樂天心自怡知命頗奚

顧

東

于野同人亨勿藥無妄福攀附聯瀛登廣胖適沂

浴回寄興本真率成章仍豐縟時能一來遊傾篋買醺

醖回

續龍爪石壁題句

克敏以元義兵萬戶守昱關與天兵再戰不利退守扎溪

題怪石落花一聯于石壁遂自劉永嘉孔從善為足成之

吳訥

萬里西風起馬蹄金戈回日塞雲低未為豫讓先亡趙
欲效田單獨報齊怪石有痕龍已去落花無主鳥空啼
至今天與英雄恨嗚咽泉聲下扎溪

欲雪與唐肅馬貫王廉柯理聯句

朱升

落木號千嶂

允升

重雲幕四郊野寒風未息

肅

江汨水

全交滕六欣催駕

貫

蜚廉怒拂旂窮陰蟠地軸

允升

急

蕨奏仙匏擬絞天潢練

肅

將搜月杵膠棟鴟蹲若待貫

街犬喜爭跑玉蘂期春放

允升

綃梭候夜拋巧思裁六

出

肅

重想壓千梢訪戴先尋櫂

允升

禽吳已殼猶思營

梁客賦

貫

言畏黨姬嘲地有遺蝗懼

肅

天無縱鶻鳴坎

深終見滿堆聚定成包霰漸鳴侵箔

允升

煙多散濕庖

枯腸須沃酒

肅

噤齒不勝殺火盡僧顛縮

貫

囊空僕喙

呶霸驢袍預襲

廉

藍馬鐙頻敲鼎為團茶滌

理

詩愁凍

筆鈔僵眠方自傲

肅

罷獵竟誰教竹佇翻銀鳳

廉

松占

偃素蛟晚來應可俟

貫

虛白牒書巢

允

升

二十八舍歌示錢尉

星名

程俱

山川不含驛與角亢鼻孤豚殊不惡委身投筆事氐羗
何異天球薦房闔人心如面各不同蛇頭蝎尾吾安容
脂韋肯效箕帚態拔劍撞斗真才雄少年食牛有餘氣

大笑文章幾女工立談寧與子虛比危冠欲入明光宮
功成築室依故丘作書重壁垂千秋宸奎一札呼不起
閉門老死如黔婁迹來養生如養胃未羨昂精刀筆吏
疲神畢慮子所訶鳳觜鸞膠誰汝試曾參忘心身亦空
身如丘井心如風君言作解皆魔鬼蒲柳松筠同盡耳
三星在雷能幾許張拳且擊闕南鼓遊龍作御雲生翼
軫地蓋天從莫逆

酬林祖德

建旗撫方面簪筆登雲衢除書無虛日念子何躊躇滿
堂羅經史問字無停車平明戶外屢接跡叩所需定坐
為詳說從周述唐虞執經退食罷貝梵頗卷舒破魔無
堅壘解髻皆明珠危絃寡知音寂寞空居諸成詩遠相
寄尺鯉來東吳收之巾十襲永好不可渝開緘嘆奇決
已作東歸圖閉蕃著空舍誰辨公車書

用簡齋韻

方岳

建旗凜大將負弩紛前驅除此兩不能鋤荷則有餘滿

畦老松韭貧猶未饑虛平生錯料事不到齊王筭定無
相攜人歲晚誰與娛執盃手欲龜風雪侵貂褕破顏劃
孤嘯鬱屈終不舒危坐發深省寧若巾柴車成敗未可
知蕪我瓜芋區收身黃鰭骸心跡何裕如開口不言錢
未害書生迂閉戶聊課詩政與俗士疎

和韻

程先

金縷聽佳唱山爐裊細香石縈泉欲咽野大日偏長絲
過蛛封巧巢成燕避涼竹君閒可款蘭友味相忘飽繫

終歸魯瓜形曷相商土田聊自給漁釣且迷陽革故符
誰應述遭瑟自張木枝已拳曲小大詎堪量

夏日珠溪賦

方岳

金谷已塵土珠履如飄風石崇與平原癡處正爾同絲
毫挂世網空錮南山銅竹窻理殘書久已不諱窮匏尊
吾秋人許訪青蓮宮土甘蔬亦香小摘雲濛濛革革有
鳴禽留我幽花叢木屑落飛談煙霏晚葱蘢

冷泉亭

方回

金鞍驟紫陌詎識林下勝石苔為誰碧我輩坐乃稱絲
毫無愧容照此冷泉鏡竹樹亦如我不與春色競飽尊
未用酌一見百慮醒土囊發饕風無波此終定革履漢
臣心恐未敵茲瑩木杪夜月孤庶其許相膜

走筆次星崖先生訪道不遇韻

汪德鈞

金篆淡寒日石牀臥荒煙絲鞋踏露冷竹戶扃垂枅匏
瓢懸空室土硯絡餘甌草履君勿說木葉零階前

仲嘉被檄來吳按吏用非所長既足嘆息而或
者妄相見窺議益足笑云戲作十二辰歌

程俱

驅驥搏鼠難為功不如置之牛皁中平生暴虎笑馮婦
豈向兔脚分雌雄龍山從事盛德士達觀已悟蛇憐風
馬曹五斗真如寄羊仲三徑終當同羣猴憎猿坐殊趣
甕中醢雞無遠度從渠狗曲誚王生欲辨龍猪復誰語
讀十二辰詩卷掇其餘作此 朱 熹

夜聞空簞齧饑鼠曉駕羸牛耕廢圃時方虎圈聽豪夸
舊業兔園嗟莽鹵君看蟄龍臥三冬頭角不與蛇爭雄
毀車殺馬罷馳逐烹羊酤酒聊從容手種猴桃垂架綠
養得鷄雞鳴角角客來犬吠催煮茶不用東家買豬肉

戲為十二屬體詩贈汪萬里 呂 旭

鼯鼠渴飲清河流吳牛寒喘明月秋蝸角國分戰蠻觸
至今人嗜功名求猛虎勢窮淺山隱狡兔計猾深穴謀
時情澆薄不復古君懷曠達才學優驪龍明珠爛可摘

欽定四庫全書

新步文齋志
卷五十八

十六

青蛇古劍光芒浮，奇才抱負蘊莫露。哦詩耽酒能消憂，
駟馬漢卿貴可羨。五羊秦相功難傳，故知窮通古有命。
君解談玄推短修，沐猴而冠頗拘束。醯雞舞甕多謬悠，
君平簾下白晝靜。花香清樾鶯啼幽，烹犬藏弓事未定。
屠猪漁釣何如羞，三百青錢拄行杖。與君汗漫同遨遊，

述懷

程俱

一生共悠悠，今者曷不樂。二十起東山，誤為微官縛。三
年瞬眸耳，郵傳那久託。四壁自蕭然，青編束為閣。五更

霜鐘動起視星錯落六律聿其周忽忽更歲籥七哀哦
幽韻感念驚獨鶴八極豈不廣衰懷了無託九原歎多
賢死者那可作十里望煙村天隨去寥廓

代陳均輔贈馬則賢

黃樞

江南星渚山水奇馬家桂子昌于醫此心契天雄傑者
滿軒種杏仁間馳身雖如蟬蛻濁世活人遠志傳孫枝
偶同瓜葛花屏下梅兄樊弟相追隨嗟予蜂房病溽暑
熱烘腦子逾蒸炊難甘遂委庸醫手蒼黃連月累卯危

有損無益智者哂因陳治法宜如斯言非草草果起死
功當歸子夫何疑况又時當半夏月雨餘涼氣浮輕絺
懸壺索實乏瓊報木瓜愧誦前人詩蘇耽橘紅井泉碧
威靈仙術終相期陰功百世固未艾芝田蘭畹春熙熙

三禽言

江心宇

我友我友鞠衣黃裳一日不見爾何所翔爾何所藏飛
鳴高樹去母也不忘噫高樹如何噫綠陰正多噫石鶯
燕燕尾不齊撇裂侵泥滓翻飛煙雨裏轉眼朱門委榛

杞權門如市止復止天際翻飛鷹斂翅

右燕

布布穀哺哺雛雨苦苦去去乎吾苦苦吾苦苦吾顧吾

姑

右布穀

二禽言和吳南

蔣師文

著衫拜婆低頭斂手殷勤多禮數從古不可磨何須日
日鳴山阿于嗟禽兮勃磎之風處處是謝爾聲聲勸行
禮

姑惡姑惡阿婦聞之莫驚愕河東獅吼河間淫阿姑雖

惡不為虐于嗟禽兮而知姑惡猶庶幾人家婦惡而不
知

禽言何可得

姚璉

禽言何可得日日叫前山可得或可得可失亦不難得
隴更望蜀得魚復忘筌得易失恐易奚若不得安風塵
起四境大地多披漫去歲擾淮南今年迫潼關貪饕與
奸黠要汲海水乾天乎苟可得大運終須還天苟不可
得烈火焚茅菅桓桓將帥出凜凜冰刀寒秋高馬肥驟

一掃霜葉丹胡如雙溪老穩坐溪山間得失無罣礙胸
次收波瀾倦處自欹枕興來一憑闌柴扉春寂寂山泉
夜潺潺

曉起

程俱

霜林一望極空寒曉起催人覺夢殘黃霧帶晴江渺渺
勁風翻影露漙漙香飄引篆新添火髮密勝簪慢整冠
藏拙懶便惟少事興來閒借遠山看

菩薩蠻

朱熹

晚紅飛盡春寒淺淺寒春盡飛紅晚尊酒綠陰繁繁陰
綠酒尊老仙詩句好好句詩仙老長恨送年芳芳年
送恨長

次圭父韻

暮江寒碧縈長路路長縈碧寒江暮花塢夕陽斜斜陽
夕塢花客愁無勝集集勝無愁客醒似醉多情情多
醉似醒

偶成

吳 斌

春天曙日浮雲錦
暗野晴風灑露珠
新樹小花穿舞蝶
暖波芳藻戲遊魚

題廣寧雙塔寺

程信

鉅騰夜色寶林中
拔秀雙虬瑞現同
長印月奩分下上
巧呈天柱立西東
廊迴百轉香煙細
社結三生泡影空
涼度一簾幽寺古
芳名記我愧紗籠

家園新植一梅即開

春初動色喜傳觴
異種分來近後堂
塵絕素肌清入韻

雪絨紅蠟巧成裝
粼粼碧沼晴翻影
陣陣寒風曉逗香
新樹半開驚歲晏
早應花占一園芳

古巖

趙德相

行行一徑野煙寒
寺外橋橫石澗環
清話梵牀連雨細
定心禪榻共雲閒
聲聞磬擊風搖水
影見燈懸月吐山
晴院塔前巖樹古
鳴泉冷漱玉潺潺

新安文獻志卷五十八

欽定四庫全書

新安文獻志卷五十九

明 程敏政 撰

詩雜體

答王無功在京思故園見鄉人問

此下問答原詩云旅泊多

年歲老去不知迴忽逢門外客道發故鄉來
眉俱握手破涕共銜盃殷勤訪朋舊屈曲問童
孩衰宗多弟姪若箇賞池臺舊園今在否新樹
也應栽柳行疎密布茅齋寬窄裁徑移何處竹
別種幾株梅渠當無絕水石計總生苔院果誰
先熟林花那後開羈心只欲問為報不須猜行

當驅下澤去
剪故園菜

朱 熹

我從銅川來見子上京客問我故鄉事慰子羈旅色子
問我所知我對子應識朋游總強健童稚各長成華宗
盛文史連牆富池亭獨子園最古舊林間新垌柳行隨
堤勢茅齋看地形竹從去年移梅是今年滎渠水經夏
響石苔終歲青院果早晚熟林花先後明語罷相嘆息
浩然起深情歸哉且五斗餉子東臯耕

按無功名績文中子之弟當時

有問體詩而無答者故文公擬答之詩中所稱銅川五斗東臯皆王氏故實

媒問

胡次焱

媒問嫠汝何傷汝為國秀時辛苦事蠶桑憫瑟順為正
婉婉禮自將笥中有練裙衣上無明璫貧女古難嫁賣
犬辨資裝中年得夫婿懂懂拜姑嫜肅容采蘋藻洗手
供羹湯良人正少年相期家道昌良緣天所妬夫婿奄
云亡自從夫婿亡十年守空房素帷代錦幃苔席易牙
牀孤眠耿夜半單立黯昏黃聲聲影徘徊鞅鞅情彷徨
皓月照枕衾暴雨頽垣墻獨寤誰呼喚獨語誰交相如
凌空失翼如涉川無梁嫠來吾語汝琴瑟貴更張汝篋

既單薄汝門復淒涼汝寒何以衣汝饑何以糧紡績終
難給春汲勞欲僵死者不復起生者宜自詳隣有美丈
夫顒顒更昂昂牛羊量用谷金玉堆滿堂畫梁青瑣闥
珠簾魏綸廂瑯戶金彈丸寶鞍青絲韁旌旗明晚霞劒
戟磨秋霜奴隸厭綺紈犬貓棄餽餽門下粲珠履庭前
沸笙簧出則專城居入則侍明光一呼千失諾一指萬
夫張一笑生羽翼一怒起鋒芒吾慕者蹇脩與汝解佩
纓以此窈窕婦配彼駟儉郎花樹戲蛺蝶蓮浦浴鴛鴦

無煩賦藕花且喜華枯楊何妨鸞舞鏡應彼鳳求凰人
無百歲人倏忽如風狂莫將泡影身徒置冰炭場死後
留名節身朽魂茫茫生前受富貴志得意洋洋人生行
樂爾二者試裁量蔬食不日給孰與飫膏粱荆釵不自
謀孰與雲霞裳年滔滔不反貌駸駸已蒼敗棋須換局
作戲且逢場文君慕相如恢女喚江郎有髮可畫結有
耳何自戕試問東夷子何如聲伯孀信書不如無未必
有共姜鬼妻變人婦母作老死孀

接答媒

接答媒妾自憐妾家貧如洗妾貌粧不妍中年方擇配
幸逢夫婿賢藍橋疑仙會紅葉開良緣俯以奉箕帚仰
馬供豆籩粵從定六禮穩圖偕百年渠疑有家願倏罹
中道捐城崩哭呦呦竹斑淚濺濺空房照明月幽隴淒
寒煙禽鳥喧墓門魄降魂翩翩蚺蜥滿窻戶心結目消
消寮室昔華屋埋土今荒阡恨不即同穴何忍續斷絃
翻思合卺初參透老婆禪如魚水游泳如蔦蘿纏綿奈

何死生闊泛泛水中船綢繆為夫婦反覆如市廛徒胎
揚華醜寧免柳絮顛妾頗親筆硯亦嘗閱簡編女不踐
二庭婦不再移天陶嬰寡鵠吟衛妻孤燕篇或刑耳自
誓或斷髮自全或劓鼻偃蹇或毀面迤邐吾足幸可刖
吾臂不可牽卓卓節操立表表鳳孤鶩藐茲未亡人有
意奉周全媒雖憫妾寡媒適重妾愆妾命春葉薄妾心
頑石堅栖栖謀尺布豈不羨罽毼皇皇圖斗粟豈不思
輦羶胝手任春汲孰與奴婢千鞠躬跼衡茅孰與綺疏

欽定四庫全書

卷五十九

便枯荑欣回春缺月喜再圓世誰不此樂妾意獨不然
理義自有閑物欲常無厭三少穢難洗五嫁醜莫鰥浮
榮瞥似電遺臭流如川媒言頗喋喋媒意遽拳拳之死
矢靡他斯言當真詮文姬殊妖媚易安亦嬋娟失身再
事人彤管無取焉節義日以頽文章何足詮王母有差
事青鳥信頻傳母乃墮人慾反以汙天仙嫦娥豈不嫁
空抱老金蟾所以廣寒宮萬古清鑒懸寧貧任勞鹿寧
賤受磨研寧凍如寒蠅寧餓如饑鳶終不以快樂而易

此憂煎井底水不波山頭石不遷再拜謝媒妁歸來雙

淚漣十襲藏破鏡他年會黃泉

右蔭媒答問宋鄉先生胡公次焱濟甦之所作

也先生登宋咸淳四年第授迪功郎江州湖口縣主簿以母老改授池州貴池尉德祐乙亥天兵將至池州都統制張林潛納款請以城降先生奉母亡歸教授鄉里或勸之仕先生賦是詩以見意大德十年以壽終于家後三十二年復為至元之三年文自黃竹入郡其孫師中適在郡中出是詩俾文書之嗚呼讀柳子河間傳知邪之所以敗正讀先生是詩知正之所以勝邪天理之在人心猶日月之在天也可以缺蝕而不可以喪其光明若先生之心孰得而缺蝕之哉雖與日月爭光可也鄉後學程文謹記

歲寒問答辭

同舍盱江許叔異吳興馬伯城九江方叔高既遷居京城之南伯城九

於屏間畫三大木題曰歲寒圖
因為問答之辭使山童歌之
程 丈

松栢杉何槃槃毫末小排雲端不作梁棟守歲寒曾不
如桃李花朝榮暮謝得實升金盤昂藏千百年一待鳳
與鸞松栢杉何槃槃古來材大用則難

右問松栢杉

君勿言時則然受命既獨賦性偏高枝中梁柱小枝可
以為車船材不見識全吾天鳳鸞不巢且任百鳥喧寧
同歲寒老不與春風妍君勿言時則然大匠一過肯棄

捐

右松栢杉答

五雜組二首

詹書

五雜組雲錦囊往復還雙鳳凰不得已思故鄉
五雜組羅繡襦往復還同隊魚不得已長客居

自君之出矣

葉朱

自君之出矣萬里恒相思想君思我處如我思君時
自君之出矣寶奩珠網多憔悴懶開鏡對鏡顰雙蛾

錦鵲夜逸

趙幾

草徑鬱紆溪隔村誰抽闕鏤逋孤鴛林樊搜糾崖广邃

岸曲括青菰菱根初疑布罟鼠盜夜又恐缺月孤乘昏
死殼枯梗秘蹤跡老圉勸我增垣藩

登瀛亭行

登侯亭者汝林金侯閒居之所營也昔唐房玄齡于志寧之朋以其武功

既成而文德以興故時人謂之登瀛之仙以榮之今侯之經營斯亭也其將有待於時之清寧而佐夫太平者乎然予愛其亭之宏名之清故協其聲以鳴之侯時為萬戶鎮蚺城予為延陵

吳武成也

吳斌

宏亭崢嶸凌青冥驚憑峻嶒乘澄泓楹瓊屏凝清馨
停箏鳴笙爭行觥曾橫輕兵騰征輶英聲霆轟層城崩

卿能傾情精明經螢燈成名矜平生應昇鵬程榮登瀛

題竹洲曾孫吳逢原友梅堂 汪宗臣

簣簪橫煙洲其間移羅浮髯梢汙紅塵瓊麈諧清游
沉天吹霜琴虛人當樓茲時如寒盟翻為青松羞 五平

肅氣屈衆蘄挺立自潔白萬壑迥雪月一榦掃水石讀
易義見復擬道信取益物態任冷暖歲晏此莫逆 五側

題汪梅牖盤隱

灣環長溪交繚繞石徑抱山中松風寒俗子不可到

五平
五側

歲除大雪做歐蘇禁體成一十八韻請諸友皆
用臘月三十日帝欲雪為起句第三句而下上
句皆平聲下句皆側聲必相聯屬結後二句不
對偶及不引古人一切雪中故事

詹書

臘月三十日帝欲雪屏翳巽二聽所召同雲垂空羣陰
施大塊噫氣萬籟嘯神機周旋功無私剗剗剪鏤巧絕
妙俄驚踈踈來斜飛陡覺密密失遠眺山從洪荒藏諸

峯井向混沌鑿一竅江湖寒深侵龜鼉石壁凍裂墮隼
鷗郊原迷漫停田菟浦淑沍結息網釣先生金城連樓
居冷透鐵甲濕旌旄茅簷懸冰凝晴輝楮幌不火晁夜
照威摧崖松容難凋力壓檻竹尾不掉詩翁愁吟新春
初野叟走報稔歲兆誰家豪門眠方醒乍出暖閣見且
笑裘裳相迎添鮮妍齒頰掩映鬬美耀狻猊形奇言俱
誇僕卒手塑像克肖惟知高堂觀嚴凝豈念陋室苦料
峭薪鑪灰殘嗟煙消市米價湧閉廩糶鵲衣孤貧多凌

欽定四庫全書

新安文獻志
卷五十九

兢穀食餓殍各言弔何當長戈揮玄氛共覩霽旭出海

嶠

七平
七側

寄吳熙中

李道生

不見故人何處覓秋心見月轉添愁山山望斷孤雲出
一个飛鴻肯到不

效山谷體

胡仔

青玻瓈色瑩長空爛銀盤挂屋山東晚涼徐度一襟風
天分風月相管領對之技癢誰能忍吟哦自恨詩才窘

掃寬露坐發興新浮蛆琰琰拋青春不妨舉盞成三人

歌風臺

碑存溪石高嵯峨漢字漫滅新鐫訛臺非舊築行人過
赤帝當年布衣起老嫗悲啼白龍死芒碭生雲凝夜紫
一朝花發咸陽春老劒磨血消京塵歸來故里天上人
千古斜陽愁色裏草沒荒城狐掉尾不信英雄化為鬼
與劉簿觀雪用東坡聚星堂韻

方岳

江臯黯黯飛雲葉淅瀝破窻鳴急雪亂飄密灑寒正苦
低唱淺斟癡亦絕凍吟可但筆鋒健醒狂不覺屐齒折
留連急景聊從容俯仰幻塵空變滅舒眉一笑各雲散
轉眼百年如電掣風凝光眩眼欲花酒帶潮紅臉生纈
劇誇陶語何區區等與謝吟爭屑屑醉翁出令凡馬空
坡老揮毫風燕瞥兩公仙去各已久一代風流尚誰說
吸鯨今夕不可辭醉中有句錚如鐵

次容齋喜雪禁體二十四韻 方回

燠寒節若無嗟若不寒而燠疫癘作叵堪窮臘陽氣泄
况乃炎方土風惡大塊積蓄久醞釀元造幹回驟飄落
朝曦掩翳九烏死夜吹呼號萬騎掠餞歲纔轟爆竹聲
鞭春初截土牛角芳芽脆甲縮芹薺饑喙枵腸訴烏鵲
小遲尚可詫祥瑞大快一舉洗汙濁蟄蟲且當伏深穴
貞松決不仆幽壑孤舟獨釣柳何奇衡門空宇陶如昨
凍手三嗅復三咻泥屐一前仍一却未妨獵騎濕鞍韉
政恐征車埋軫較誰方輕暖擁文貂我欲豪飲欠金錯

雀窺困廩絕糝糠蛛躑簷榱收網絡老人畏怯小兒喜
富翁驕傲寒士虐蜚蜮定復掃蠻蠻歸鴈未敢度幽朔
銜枚猛將死不懼煨芋野僧貧亦樂九頭鬼車悉逃遁
三足畢方能距躍眼生燈暈蝶相相膚澁衾稜雞喔喔
預占麥餌堆村場絕喜米價減郭郭忽得膚使奇麗句
韻未易賡筆屢閣頴陰故事聚星堂汶叟先生元祐脚
禁體物語繼醉翁即今再見蘇龍學幸公憂國僕無與
煎水烹茶聊一酌

竹枝歌八首

孫嵩

艷瀕堆頭君莫行瞿塘峽裏不論程
龍吟小雨蜀天黑
等有明朝春水生

行盡三巴三曲流一灘自有一生愁
明朝已過夷陵岸
更宿江陵漁笛洲

洶湧砰雷蛇飲溪陰崖暗天虎印泥
萬里中原那有此
憐君更過鬼門西

峽路陰陰無四時寒雲鳥道挂天危
荒亭敗驛此何處

望帝江山號子規

巴子城荒非昔人公孫何處問遺民
千年惟有武侯磧
留與踏歌行早春

漢世明妃猶有村荒祠歌舞與招魂
胡琴好入巴渝曲
萬里還鄉醜酒樽

黃牛廟前鴉鵲棲黃茅宮外梟鵬啼
估客酹神巫嫗醉
青林日轉風淒淒

峽山削出青嵯峨峽水勻成綠不波
頓平山水未能得

奈此猿聲朝夕何

思家五首竹枝體

汪夢斗

六旬餘父身長健九十重親髮不華高堂無人供滄瀟
如何遊子不思家

淮陰母家田未買汾曲先廬屋已斜人生墓宅頗關念
如何遊子不思家

婦授草汁浴蠶子婢炙松明治泉麻東阡西陌要耕麥
如何遊子不思家

兒多廢學自澆花女近事人今抱牙兒女長成憂失教
如何遊子不思家

荷淨軒前水浮鵬翠眉亭下柳藏鴉亦要丁寧春照管
如何遊子不思家

江行歌七首

胡初翁

大石如屋堆雲沙小石如甕排江涯著我輕舟石中過
風吹漁唱出蘆花

一點白鷺煙渚沒數痕青山天際生隔岸人家好茅屋

石楠花底小橋橫

船頭酒壺深貯月
杞尾茶甌長烹煙
宗老談易夜未已

舟行妙意古無前

雲峯先生示教
易本義通釋

澗水泠泠漾白雲
兩峯紫翠對溪門
平生規此誅茅地
却在牛羊黃葉村

溪上樹留龍爪青
山前路有虎蹄腥
陳跡誰云不足顧
秋風回首立漁汀

兩舟前日離常山
三舟今日下嚴灘
高帆爭風問何事

不似漁篷臥釣灣

看山妙處在微雨雨後青紅抹夕陽江南山色世無比
畫手安得王西莊

江上八首

汪廣洋

廬山萬八千丈高江水日夜送波濤看山飲水自成趣
何用長竿曳巨鰲

大山小山松樹齊千聲萬聲子規啼攬衣起舞夕露下
三更月落吳城西

楮磯口闊浪如山官船客船前後灣明日天晴大家喜
看我鼓枻中流還

象牙灘上百花開參差時復見樓臺翠香芹菜綠沙出
雪色鰣魚上水來

大姑廟前花草香女兒港口江水長江水江花思無限
目斷鞋山又夕陽

江上四月雨綿綿連日北風何大顛且買活魚炊晚飯
皖城對岸泊歸船

英英白雲多在山愧我幾曾如此閒
贛江東下數千里
祇許拏舟十日還

蛾眉今日為君開一色青天絕點埃
浩想往時經濟事
赤龍風雨過江來

竹枝辭三首送金如山往婺州 黃 遷

送別臨塘快放舟澄江渺渺消人愁
蘋花滿櫂應相笑
也趁春風過婺州

桃花雨晴春水生東風去船如箭行
鯉魚活煮蘭溪酒

篷底醉眠江月明

春城鼓角舊金華莫忘長干桃李花千金重載布帆穩
後月月圓人到家

竹枝辭八首寫征婦意

曹 樞

郎行萬里戍雲中十約歸期九度空郎自官高奴自老
悠悠生死不相同

乳鵝啼罷月濛濛門掩朱扉四五重到底此心關不住
為郎飛夢過盧龍

湖上東風吹柳枝湖邊士女笑相隨
關西去國三千里惆悵此情郎不知

灤水河邊首著枯鎗竿嶺上雪模糊
憂郎寒冷思郎苦不忍垂簾向火爐

鴛鴦機上織回文線去絲來字字真
幾度寄君還又罷漢家不是舊將軍

八十尊姑耳不聞倚閨終日為思君
馬蹄若到山高處千萬回頭望白雲

深院無人晝掩門
燕歸時節又黃昏
小環莫炙銀虹照
形影相隨越斷魂

朱顏綠鬢受孤單
鬼病侵尋命已慳
若得此身能化石
青山終久見夫還

和太史子玄四季樂辭四首 吳 訥

湖燕哺兒生羽翼
柳花不動春無力
了鬟擎月下玉臺
照見江南遠山色

檳榔葉青荔子紅
蠻煙如織隔遠空
畫堂沈沈白日靜

鸚哥對語黃金籠

金風鏘鏘入林杪
夜折蓮房下秋沼
水仙捉月醉不歸
翠波流出紅船小

錦帷繡褥沉香牀
翠衾對織金鴛鴦
珊瑚屏風琥珀枕
良人不來冬夜長

野人四時辭四首

姚連

野人看花花滿叢
紅紅白白媚東風
粉蝶黃蜂不知處
一時飛過小園東

野人羶羶不受暑赤日行空無處逃
走向松林脫巾幘忽有好風吹鬢毛

野人看月如銀盤玉露洗空霜葉丹
東家兒女笙歌暖西家兒女砧杵寒

野人曝背向墻隈時飲茅柴酒兩杯
落葉滿階渾不掃拄杖去尋江上梅

短歌行贈別一首

汪廣洋

歌停雲酌春酒送君發為君壽
彈青萍絃素瑟何以贈

雙白壁車兒膏馬兒秣時載陽鳴鶴鵠戒僕夫肅徂征
涉還道揚飛旌慰爾民崇爾德君子心我無忒

蘆鴈辭四解

詹書

沙塞冷雙南飛好兄弟母相違

一解

落平沙立風露數聲

中驚漁父

二解

月懸鏡蘆花霜夢海門秋夜長

三解

衡陽山

稻粱足豈忘歸極所欲

四解

彭湖道中雜書四首

方回

一夜大雷電神喧復鬼譁橫岡風折樹漲路雨顏沙小

小閒籬落依然自野花

近傳羣盜息稍免大軍興閉戶聞村學挑包過野僧籬
間犬見客狂吠極堪憎

陰風號亂樹薄日照荒原古堠泥埋字空廬棘障門無
人天欲暮誰謂不銷魂

四月農家雨新晴冷似秋炊煙籠屋潤田水破塍流老
父攜孫子牽耕教小牛

豫章南閣臨眺二首

汪廣洋

章江澄夕景杞樹集涼颼疊閣連雲起凝笳帶月悲因
茲懷舊感登覽獨移時

雲容麗藻井霞彩炫芝楣帝子遙臨日洪州盛槩時良
遊念遐躅清賞愜幽期

感興四首

汪暉

暑往寒來如電泡年年門外開花草世事紛紛自顛倒
青山眼底最多情日日向人渾不老

膠擾浮生事若麻世路崎嶇易覆車爭如清淨山人家

靜觀撫掌付一笑出口款款飛松花

一樹雪花白如玉辛夷為車荷為屋閒中享此亦清福
一雙沙禽竹上啼對客取琴彈一曲

坐讀南華一卷經富貴百年如郵亭人生怒癭空成瓶
香鑪縷煙風浩蕩白鳥點破前山青

次韻擬杜陵曲江體五首

洪焱祖

天台山深秋月明幽人見月偏多情伐木賡詩求友生
我亦彈琴不成調風清露冷越江橫

快劍斲水水不絕同心何恨音書闕
義蒿兩地中腸熱
還憐瘦馬繫堂階得似青鞋踏沙月

百川赴海海不滿志士意長日月短
金丹九轉成功晚
台山采藥聽清猿剩欲投簪寄閒散

城中幘峯高挿天竹房煮茗僧汲泉
平江雲影危關前
秋風吹去一隻鶴老我回頭三十年

洞天夜讌桃花下座中都是能文者
銀燭穿山關車馬
當年此會幾人存安得雲龍逐東野

謁雲藍山先趙公墓

汪宗臣

此生未展雲藍墓鬱鬱甘棠孫子情今度忽為寒食客
欣欣喬木歲時榮堯天日月重光顯越國江山幾變更
回首千年有歸鶴練溪新漲匝春城

別鄉人席間作

孫巖

昔向率山別離愁尚故鄉今來嵯亭聚縱樂是殊方新
草偷江綠垂楊配酒黃子仍先我去留滯奈耕桑

喜雨

方回

驟漲階前可泛舟天低近屋火雲收竹戶紙窗清灑灑
葛衫紗帳冷脩脩秋館梧桐羈客恨春郊楊柳少年愁
移得此聲來六月人人喜色上眉頭

崕浦早望

孫巖

千峰倒影碧粼粼摹寫桐江最逼真每逢佳處謀書屋
漸恐山靈不信人

至日建中次季真韻

胡一桂

盡日勞勞煙雨裏此行誰識是歟非翩然芒屨相隨處

正見梅花欲放時太極便堪窺易蘊黃鐘初可驗葭飛
天心子半無移改細玩堯夫至日詩

答留題東山者

趙 沔

詩翁扶醉上危顛得意留題拂短垣
嗔喜未忘春夢後是非猶記劫灰前
弓刀幾處排堅陣風月何人共小軒
失脚黃塵應有恨元龍終不羨求田

見梅雜興

陸夢發

人間誰是識梅真棄實求花後世
心何似只如三代日

分甘投老萬山深寄來陸凱渾多事說到林逋亦費吟

耿耿知音惟月在無言相看古猶今

方虛谷曰太初平生苦吟好高梅詩

三十首今選其一又有一聯云生東東南溫厚氣才當西北苦寒時蓋自況也

歸至山中戲集古句

程俱

終日思歸此日歸野人休誦北山移且看欲盡花經眼
可忍醒來雨打稀

弔鶴集詩句

汪宗臣

有鶴在林

白華

颼颼其鳴

斯干

風雨所漂搖

鷗鵲

求其

友生

伐木

不狩

不獵

伐檀

麾之以肱

無羊

宛其死矣

山

有樞

寧莫之懲

汚水

英英白雲

白華

毋金玉爾音

白駒

如可贖兮

黃鳥

實勞我心

白華

集杜詩二十句壽叔文潘先生其子章甫時為

起居注故詩意及之

詹書

冰壺玉鑑懸清秋神仙中人不易得往時文彩動人主
主怪一日聲輝赫憶昨逍遙供奉班風雨不動安如山
詞源倒流三峽水時聞雜佩聲珊珊先生早賦歸去來

鯨魚拔浪滄溟開致身福地何蕭爽石田茅屋荒蒼苔
繡衣春當霄漢立雲近蓬萊常五色池上于今有鳳毛
秋水為神玉為骨百花潭水即滄浪星宮之君醉瓊漿
西望瑤池降王母南極老人應壽昌

題醉歸淵明圖集陶句

呂旭

窮巷寡塵鞅閒居離世紛投策命晨裝壺漿勞近隣主
人解予意一遇盡殷勤有酒斟酌之淹留忘宵晨情知
新知勸何必骨肉親數斟已復醉君當恕醉人

集陶句題吳季文經鋤軒

結廬在人境，繞屋樹扶踈。園林無俗情，莽浪林野娛。開
荒南野際，新疇復應畬。遊好在六經，歷覽千載書。雖有
荷鋤倦，濁醪解饑飢。奇文足欣賞，慨然念黃虞。古人惜
寸陰，君今復何如？

題四禽圖集詩經句

韓 廉

楊柳依依

采薇

燕燕于飛

燕燕

于誰之屋

正月

曰止曰

時

綿綿

海外有截

長發

曷云能來

雄雉

曰歸曰歸

采薇

秋以為期氓春日載陽七月賁然來思白駒洵有情兮

宛丘我儀圖之烝民右垂楊海燕

猗彼女桑七月其葉有沃隰桑宛彼鳴鳩小宛無啄我

粟黃鳥食我桑黹泮水曰既醉止初筵慎爾優游白駒

戒其傷汝大叔于田于嗟鳩兮氓樂予之無知隰有長楚以陰以

雨谷風尚求其雌小弁右桑樹鳴鳩

交交黃鳥黃鳥在彼空谷白駒熠燿其羽東山無集于

穀黃鳥南有喬木漢廣亦集爰止卷阿既曰得止南山

嚶其鳴矣

伐木

我聞其聲

何人

懷我好音

泮水

叩須我

友

匏有苦葉

實獲我心

綠衣

右喬木黃鳥

維常之華

采薇

鄂不韡韡

常棣

有懷二人

小宛

兄及弟

矣

斯干

題彼脊令

小宛

載飛載止

沔水

我之懷矣

雄雉

此令兄弟

角弓

右常棣脊令

新安文獻志卷五十九

欽定四庫全書

新安文獻志卷六十

明 程敏政 撰

詩餘

點絳脣二首

無題

汪藻

新月娟娟夜寒江靜山銜斗起來搔首梅影橫窻瘦
好箇霜天閒却傳盃手君知否亂鴉啼後歸興濃於酒
高柳蟬嘶採菱歌斷秋風起晚雲水髻湖上山橫翠
簾捲西樓過雨涼生袂天如水畫樓十二有箇人同倚

小重山

月下潮生紅蓼汀殘霞都斂盡四山青柳梢風急墮流
螢隨波去點點亂寒星別語記丁寧如今能間隔幾
長亭夜來秋氣入銀屏梧桐雨還恨不同聽

水調歌頭

鷗夷子

朱 熹

富貴有餘樂貧賤不堪憂誰知天路幽險倚伏互相酬
請看東門黃犬更聽華亭清喚千古恨難收何似鷗夷
子散髮弄扁舟鷗夷子成霸業有餘謀收身千乘卿

相歸把釣魚鉤春晝五湖煙浪秋夜一天雲月此外儘
悠悠永棄人間事吾道付滄洲

酹江月和梅辭韻

臨風一笑問羣芳誰是真香純白獨立無朋算只有姑
射山頭仙客絕艷誰憐貞心自保邈與塵緣隔天然殊
勝不關風露冰雪應笑俗李粗桃無言翻引得狂蜂
輕蝶爭似黃昏閒弄影清淺一溪霜月畫角吹殘瑤臺
夢斷直下成休歇綠陰青子莫教容易披折

滿庭芳

懷舊

吳儼

宿雨滋蘭輕風颭柳新來隨處和融幽蘭曲徑花氣巧
相通燕子纔飛又語帶芹泥時點芳叢微中酒日長睡
起心事在眉峯年年春好處聯鑣蕩槳拾翠按紅任
金貂醉脫不放杯空誰信風流一別當時事已逐飛鴻
雲山晚闌干罷倚煙寺起疎鐘

浣溪沙

春日別墅

暖日和風並馬蹄畦秧隴麥綠新齊人家桑柘午陰迷

啼

山色解隨春意遠
殘陽還傍遠山低
晚風歸路杜鵑

又題餘干傳舍

畫楯朱闌繞碧山
平湖倚徙水雲寬
人家楊柳帶汀灣
目力已隨飛鳥盡
機心還共白鷗閒
蕭蕭微雨晚來寒

又登鎮遠樓

寒日孤城特地紅
瘦藤扶我上西風
一川平遠畫圖中

江海一身真客燕雲天萬里看歸鴻吳山應在白雲東

點絳脣 釣臺

方有開

七里灘邊江光漠漠山如戟漁舟一葉徑入寒煙碧
笑我塵勞羞對雙臺石身如織年年行役魚鳥渾相識

滿江紅 同前

跳出紅塵都不顧是非榮辱垂釣處月明風細水清山
綠七里灘頭帆落盡長山隴口潮回速問有誰特地上

鈎來劉文叔 貂蟬貴無人續金帶重難拘束這白麻
黃紙豈曾經目昨夜客星侵帝座且容伸脚加君腹問
高風今古有誰同先生獨

乳燕飛

寄劉閨風

汪莘

曉趁西湖約到湖頭煙消日出波生雨脚自挈白魚攜
碧酒要與詩人共酌把樓上朱簾搭却坐對荷花三萬
朶念西隣未嫁肌如削待折與不堪著 別來又見秋
蕭索恨無由將予風月伴君雲鶴想見登山臨水處醉

把茱萸槃礴唱白雪陽春新作憶自東籬人去後算人
間黃菊空零落嘆作者多命薄

滿江紅 謝孟使君

荆楚歲時念自古登臨風俗休更道桓家車騎謝家絲
竹不覺吹將頭上帽可來共采籬邊菊嘆如今重九有
何人相追逐 窮處士枯如木賢太守溫如玉遣厨人
餽酒廩人餽粟欲寄唐虞無限意離騷都是相思曲奈
兩三寒蝶尚于飛秋光促

沁園春

自題方壺

春至傷春秋至悲秋誰在華胥嘆謫仙才氣飛揚跋扈
淵明何事慷慨歛歔自我少年如今晚景行半人間真
有餘都休問且一觴一詠吾愛吾廬南臯境界何如
舍明月清風誰與居望蓬山路杳萬株翠檜方壺門掩
四面紅蕖中有佳人綽如姑射一炷清香滿太虛塵寰
外任鳴鑾報客飛鶴傳書

程端明序曰叔耕蘊霞牋玉滴之奇思出天表蓄而不試

憂深思遠未易遽班之賀白也

瑣窗寒

有感

程先

雨洗紅塵雲迷翠麓小車難去淒涼感慨未有今年春
暮想曲江水邊麗人影沉香歇誰為主但免葵蕪麥風
前搖蕩徑花成土空被多情苦慶會難逢少年幾許
紛紛沸鼎負了青陽凡五待何時重享太平典衣貰酒
相爾汝算蘭亭有此歡娛又却悲今古

念奴嬌

菊

王炎

小粧朱檻護秋英千點金鈿如簇黃葉白蘋朝露冷只

有孤芳幽馥華髮蒼頭宦情羈思來伴花幽獨巡簷無
語清愁何啻千斛因念愛酒淵明東籬雅意千載無
人續身在花邊須一醉小覆盃中醺醪過了重陽捻枝
嗅藥休嘆年華速明年春到陳根更有新綠

浪淘沙

中秋與文蔚達可飲

月色十分圓風露娟娟木犀香裏憑欄干河漢橫斜天
似水玉鑑光寒草草具盃盤相對蒼顏素娥莫惜少
留連秋氣平分蟾兔滿動是經年

南鄉子

甲戌正月

雲淡日朧明
久雨潺潺乍得晴
社近東臯農務急
催耕又見芻蒲出水青
池面縠紋平
掠水迎風燕羽輕
試出訪尋春色看
相迎巧笑花枝似有情

水調歌頭

次韻荷淨亭小集

汪 暉

田舍爐頭語
便如何學得三變美
成家數村酒三杯狂
興發拔劍偶然起舞
只麼也迎寒送暑
待草萬言書上
闕似憂時倚柱東隣女
卿相事未易許
漁歌且和笑

蓉渚又何須淫辭蝶語訶風詆雨勸人生且隨分外一
毫莫取那富貴由天付與身蹈危機猶不覺如布衣自
在都無阻空傳得雪千縷

蝶戀花

秋夜簡趙尉借韻

午夜涼生風不住河漢無聲時見疎星度佳客伴君知
未去對牀只欠蕭蕭雨素月四更山外吐金鴨慵添
銷盡沉煙縷料想玉樓人念處歸舟日望荷花浦

滿江紅

龔撫幹示閨中秋

程秘

黃鶴樓前江百尺波橫光溢問老子當年高興何人知
得最愛洞庭天際水分明表裏玻璃色恐今宵未必似
前番天應惜都莫問鴻鐘勒也休羨壺天謫憶故人
霜下亂灘橫笛便好騎鯨遊汗漫古來蟾影何曾沒更
明年重約再來時乘槎客

水調歌頭

登甘露寺多景樓望淮有感

天地本無際南北更誰分樓前多景中原一恨杳難論
却似長江萬里忽有孤山兩點點破水晶盆為借鞭霆

力驅去附崑崙 望淮陰兵治處儼然存
看來天意止 欠士稚與劉琨
三拊當時頑石喚醒隆中一老細與酌
芳尊 孟夏正須雨一洗北塵昏

錦堂春

留春

最是元來苦無風雨只恁匆匆歸去看遊絲都不恨恨
秦淮新漲向人東注 醉裏仙人惜春曾賦却不解留
春且住問何人留得住怕小山更有碧蕪春句

浣溪沙

趙閣學餉蝸蚌酒香螺

方岳

半榼含潮帶靨香雙螯嚼雪迸臍黃蘆花洲渚夜來霜
短櫂秋江清到底長頭春甕醉為鄉風流不枉與詩
長

齊天樂

和楚客賦蘆

孤篷夜傍低叢宿蕭蕭雨聲悲切一岸霜痕半江煙色
愁到沙頭枯葉淡雲沒減黯西風吹老滿汀新雪天豈
無情離騷點點送歸客歸去來分怎得儘露翹鷗倚
乍寒時節秋晚山川夕陽浦溆贏得別腸千結濤翻浪

疊那得似西來一筇橫絕搔首江南鴈銜千里月

賀新郎

戊申自壽

一笑君知否笑當年山陰道上行歌樵叟五十到頭公
老矣只可驚朋鷗友便富貴何如杯酒好去歸來蒼崖
底想月明不負攜筇手誰共酌剪霜韭 乾坤許大山
河舊幾多人劒倚西風筆驚南斗俛仰之間成陳跡亡
是子虛烏有渺煙草不堪回首隔塢築亭開野徑儘一
筇兩屐山前後春且為催花柳

風流子

和楚客維揚燈夕

小樓簾不捲花正開燈火競元宵想舊日何郎飛金叵
羅三生杜牧醉董嬌燒香塵路雲鬆鸞髻髻月襯馬蹄
驕彷彿神仙劉安雞犬分明富貴子晉笙簫 人生行
樂爾君不見迷樓春綠迢迢二十四經行處舊月今橋
但索笑梅花酒消新雪縱情詩草筆捲春潮俯仰人間
陳跡莫惜金貂

一剪梅

客中新雪

誰剪輕瓊做物華春遠天涯水遠天涯園林曉樹恁橫
斜道是梅花不是梅花宿鷺聯拳倚斷槎昨夜寒些
今夜寒些孤舟蓑笠釣煙沙待不思家怎不思家

鵲橋仙

辛丑生日小盡月

今朝廿九明朝初一怎欠秋崖箇生日客中情緒老天
知道這月不消三十

闕

花消息雪邊試問是那非笑今夕

沁園春

賦子規

儘為春愁儘勸春歸真恁恨深況雨急黃昏寒欺客路
月明夜半人夢家林店舍無煙楚鄉寒食一片花飛那
可禁空凝佇黯紅薦翠老江樹陰陰汀洲杜若誰尋
想朝鶴怨分猿夜吟甚連天芳草淒迷離恨拂簾香絮
撩亂深心汝亦知乎吾今倦矣甕有餘春可共斟歸來
也問淵明而後誰是知音

模魚兒

題甘露寺多景樓

孫吳會

八窻空展寬秋影長江流入尊俎天圍紺碧低垂岫斜

日落鴻堪數，沉別浦，更目斷煙蕪。蒼莽連平楚，晨鐘暮鼓，莫觸景多愁。關人底事，倚檻聽鳴櫓。英雄恨，留得
名存北府。寄奴今寄何所。西風依舊潮來往，山海頡頏。吞吐霜月冷，直隨人燕我。瑤芝圃，掀髯起舞，看獬伏蒼苔，龍吟翠葆。天籟奏韶舞。

滿江紅

春雨

汪宗臣

檢點春光陰雨過，三分之一從頭數。元宵燈夕都無晴，日不礙郊原肥草綠。但漫丘壑沉雲黑，那東君忒煞沒。

網維春無力 燕忙甚泥渾濕蜂愁甚脾無蜜更兩旬
又是梨花寒食鵝杏殷桃吾不較豈堪浸爛連疇麥望
前村白鷺襯霞紅探晴色

踏莎行

清明前兩日聞燕

年去年來來去早怪底不來庭院春光老知過誰家翻
別調家家望斷飛蹤宵 千里瀟湘煙渺渺不記雕梁
舊日恩多少匝近清明簷外叫故巢猶在朱簷曉

酹江月

題烏江項羽廟

白蛇宵斷逐鹿人交趣，
鰲魚羣起赤幟雄。
張軍縞素龍種天生，
大器堪鄙猴冠自為狼。
藉楚帳多塵壘，
膽寒垓下一鞭東竄休矣。
亭長空艤扁舟，
范增羣輩盡塗脂。
流髓望斷秦關無限恨，
羞面江東山水購首千金。
若為名利黯黯斜陽裏，
石爐灰冷美人魂落煙翠。

南鄉子

初入都門漫賦

汪夢斗

西北有神州，曾倚斜陽江上樓。
目斷淮南山一抹，何由載淚東風灑汴流。
何事却狂遊，直駕驢車渡白溝。
自

古幽燕為絕塞休愁未是窮荒天盡頭

摸魚兒

過東平有感

憶舊時東方郡東原儘是佳處梁都破了尋南渡幾遍
狐號鱗舞君試覩環一抹荒城草色今如許芳華舊地
曾一上飛雲歌臺酒館落日亂鴉度吟情苦滴盡英
雄老淚淒酸非是兒女西湖似我西湖否只怕不如西
子秋欲暮要一看秋波又自催歸去休休浪語待過江
說與高車駟馬今是朝天路

摸魚兒

湖南憲使涿郡盧公為予題
湖北憲府歲寒亭和韻一首

程文海

問疎齋湘中朱鳳何如江上鸚鵡波寒木落人千里客
裏與誰同住茅屋趣吾自愛吾亭更愛參天樹勞君為
賦渺雪鴈南飛雲濤東下歲晏欲何處 疎齊老意氣
經文緯武平生握手相許江南江北尋芳路共看碧雲
來去黃鵠舉記我渡秦淮君正臨清句歌聲緩與怕徑
竹能醒庭花起舞驚散夜來雨

欽定四庫全書

新安文獻志

十三

沁園春

五峯大卿寄示所和繡江參議沁園春辭一以退為高一以進為忠二者皆是

也區區愧未之能焉
倚歌而和情見乎辭

十載京華騎馬聽雞自憐闊疎看春風葵麥數舒如此
故園桃李憔悴知歟要乞閒身聊追故步雪艇煙蓑一
釣夫君恩重却許令便養欲去躊躇竹西準擬寧居
詠不到娉娉嫋嫋餘又橋邊巷口燕尋舊壘天東海角
月上新衢尸素有慚澄清無補豈不懷歸畏簡書堪時
用得卿如卿法吾自吾廬

滿江紅

吳又玄得其伯父子雲太博易學
遊戲於拆字間論窮達貴賤多中

胡炳文

一畫先天誰知得已涵玄九這易玄機括子雲傳授杜
宇一聲春欲曉牡丹幾朵晴當畫問堯夫數字本何來
俱參透 心胷裏羅星宿心畫上占爻繇看肆中簾捲
門前車轅易字分明書日月口天真是談天口豈太玄
而後遂無玄如今又

踏莎行

雪晴縱步

汪 斌

踏雪橋邊訪梅溪曲春風初破梢頭玉村村茅屋晚炊
煙更尋村酒穿茅屋兔月初眉瑤峯眩目揜筇振屐
鳴空谷夜深不謂故人來聲聲誤道風敲竹

酹江月

吳山懷古

登臨遐眺嘆當年一夜朔風狼藉石塔鎮南人共怒怒
氣上轟霹靂廢苑荒涼粉牆頽圯萬事空陳跡闕庭何
在鐘聲敲斷岑寂聞道十里西湖荷花香裏歌舞成
悲感湖上有山山有恨應恨舊京乖隔秦老和戎賈生

罔上後世見之方策興亡回首暮煙衰草凝碧

江神子

水澗泊舟巖岸

停橈嚴瀨畫橋邊水洴洴鷺翩翩午熱追涼穿竹徑強
留連無奈日斜欲暝吹短笛嘒新蟬家山只在水窮
源隔雲天恨縈牽願得甘霖三日趲歸船惟有紫陽溪
上月隨著我伴愁眠

長相思

秋夜

海蟾升砌蛩鳴別院俄聞裂帛聲憑軒與細聽竹風

生桂香清問道小山來未曾還應尋舊盟

蝶戀花

送春

蝶懶鶯慵芳草歇綠暗紅稀柳絮飄晴雪有意送春還
惜別杜鵑爭奈催歸切繡閣無人簾半揭暗憶邊城
十載音書絕惟有東風無異說年年來趁梅花月

蘇武慢

遣懷

范冉

萬里征途一鞭行色覽盡江山佳致梁苑風光灞橋雪
景總是壯遊之地旅食京華觀光上國浩有凌雲豪氣

正翱翔附鳳攀龍誰料中原蠡起 猶且自馬驟西秦

帆飛東海應遂五湖歸計江上觀潮天邊望日驚見吳

山蒼翠雲飛已返鳥倦知還斷送平生愁緒喜歸來誰

是相知風月滿天無際

汪容峯與人書云耕隱翁寓懷麓武慢最佳看其雄豪之氣勃勃不可

遏如怒蛟出水濤勢澎湃自是肺腑中流出故喜道之

浣溪沙

良友夜至

唐 和

西塞山明碧似苔
圻湖浪捲雪成堆
茅山靜日共徘徊
獨上戍樓窮望眼
白煙收處片帆開
月明知是故人

來

風入松

賀洪克毅中鄉試

余修

尊翁善政著甘棠令子又穿楊萬里青雲聊試步嶄頭
角蚤已軒昂家學淵源有自明時麟鳳非常蟾宮折
得桂花香一舉姓名揚捷音預報雙親喜功名願此日
初償聞道杏園春好行看取狀元郎

醉蓬萊

自述

蘇景元

嘆儒生何事酷愛吟詩有甚滋味殘燈破硯兀兀窮年

歲掃地焚香擁衾閉戶總是平生志擊壤之謠南風之
詠恬然心醉想著古來幾多豪貴樂范之家後為皂
隸花落花開自有東君記霸橋雪中西堂夢裏千載誇
風致筆補乾坤囊封星斗倦來且睡

木蘭花

族弟嘉定州學正炫改任霸
州歌此為別炫自號畜艾云

魯泮諸生眉山舊派清時已授儒官再傳家從笑一羶
寒治身却有三年艾孟瀉春濃帆風快牽情不作離
人態吾皇思致棟梁材願君長守蘇湖誠

新安文獻志卷六十